



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1352/13  
Sarajevo, 10.7.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 11-07-2013			
Organizaciona jedinica	Klasifikaciona oznaka	Redni broj	Broj priloga
02-50-6-		16-	28/13

**PARLAMENTARNA SKUPŠTINA BiH**

*- Dom naroda -*

**SARAJEVO**

**PREDMET:** Odgovor na izaslaničko pitanje – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na izaslaničko pitanje koje je postavio Dragutin Rodić, izaslanik u Domu naroda Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja izaslaniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1352/13

Sarajevo, 10.7.2013. godine

Gospodin Dragutin Rodić, delegat u Domu naroda Parlamentarne skupštine Bosne i Hercegovine, na 28. sjednici Doma naroda održanoj 16. 4. 2013. godine, postavio je sljedeće pitanje Vijeću ministara Bosne i Hercegovine:

*„U kojoj fazi se nalazi izrada Pravilnika o korištenju akademskih titula, sticanja naučnih i stručnih zvanja u BiH, i kada bi se moglo očekivati njegovo usvajanje?“*

Na postavljeno delegatsko pitanje, Vijeće ministara Bosne i Hercegovine je na 56. sjednici održanoj 10. 07. 2013. godine, utvrdilo sljedeći

**ODGOVOR**

U Okvirnom zakonom o visokom obrazovanju u Bosni i Hercegovini („Službeni glasnik BiH“ broj 59/07) se kaže da se pravo na sticanje određene akademske titule, odnosno naučnog i stručnog zvanja u određenoj oblasti za prvi, drugi i treći ciklus studija definiše Pravilnikom o korištenju akademskih titula, te sticanju naučnih i stručnih zvanja. Međutim, ne precizira se način njegovog donošenja, niti se navodi koji je organ nadležan za donošenje Pravilnika.

Ministarstvo civilnih poslova je početkom 2008. godine uputilo inicijativu Rektorskoj konferenciji Bosne i Hercegovine da ona izradi Pravilnik, koji je prioritarno akademsko pitanje, i isti dostavi Ministarstvu civilnih poslova, kako bi ono provelo dalju proceduru. Nakon više urgencija Ministarstva civilnih poslova, Rektorska konferencija Bosne i Hercegovine je u jesen 2009. godine donijela zaključak da Ministarstvo civilnih poslova preuzme izradu Pravilnika, jer Rektorska konferencija Bosne i Hercegovine „ne može postići konsenzus u svom radu“.

Zakonom o izmjenama i dopunama Okvirnog zakona o visokom obrazovanju u Bosni i Hercegovini („Službeni glasnik BiH“, broj 59/09) definisano je da Pravilnik o korištenju akademskih titula, te sticanju naučnih i stručnih zvanja donosi Vijeće ministara Bosne i Hercegovine, na prijedlog Ministarstva civilnih poslova Bosne i Hercegovine .

Ministarstvo civilnih poslova već duži niz godine poduzima brojne aktivnosti i inicijative sa ciljem da se riješi gorući problem harmonizacije „bolonjskih“ naučnih i stručnih zvanja koja se stiču na visokoškolski ustanovama u Bosni i Hercegovini, te korištenja akademskih titula, u saradnji kako sa nadležnim obrazovnim vlastima, tako i akademskom zajednicom Bosne i Hercegovine.

U toku posljednjih aktivnosti u aprilu 2012. godine formirana je Radna grupa, kao privremeno radno tijelo sa zadatkom da izradi Prijedlog predmetnog pravilnika. Radna grupa je u zadatom

vremenskom okviru utvrdila tekst Prijedloga pravilnika o korištenju akademskih titula, te sticanju naučnih i stručnih zvanja i isti dostavila Ministru civilnih poslova.

Kako je Pravilnik o korištenju akademskih titula, te sticanju naučnih i stručnih zvanja isključivo akademsko pitanje, 22. oktobra 2012. godine u organizaciji Ministarstva civilnih poslova održan je sastanak sa rektorima osam javnih univerziteta u Bosni i Hercegovini, kako bi i oni mogli dati svoje mišljenje na tekst Prijedloga pravilnika. Na sastanku su rektori, uz određene izmjene i dopune verzije dokumenta koju je sačinila Radna grupa, usaglasili tekst Prijedloga pravilnika.

Prijedlog pravilnika o sticanju i korištenju akademskih titula, naučnih i stručnih zvanja, u koji su inkorporirane primjedbe i sugestije rektora javnih univerziteta u Bosni i Hercegovini dostavljen je u februaru 2013. godine na saglasnost nadležnim obrazovnim vlastima.

Ministarstvo prosvjete i kulture Republike Srpske, Federalno ministarstvo obrazovanja i nauke i Koordinacija ministara obrazovanja kantona u kojima se nastava izvodi na hrvatskom jeziku nisu dali saglasnost na predloženi tekst Pravilnika, te su zatražili ponovno vraćanje na verziju dokumenta koji je izradila Radna grupa u čijem radu su učestvovali njihovi predstavnici.

Na prijedlog ministra civilnih poslova, mr. Sredoja Novića Prijedlog pravilnika o korištenju akademskih titula, te sticanju naučnih i stručnih zvanja, sačinjen od strane Radne grupe, bio je, između ostalog, predmetom rasprave na Drugoj sjednici Konferencije ministara obrazovanja u Bosni i Hercegovini, održanoj 30. aprila 2013. godine. Tim povodom Ministri obrazovanja su se obavezali da najkasnije do 15. maja 2013. godine pismenim putem Ministarstvu civilnih poslova Bosne i Hercegovine dostave konkretne i precizne primjedbe na prijedlog Pravilnika o korištenju akademskih titula, te sticanju naučnih i stručnih zvanja sačinjen od strane Radne grupe. Prispjele primjedbe Ministarstvo civilnih poslova Bosne i Hercegovine će razmotriti, u skladu sa istima sačiniti eventualne izmjene prijedloga Pravilnika i uputiti ga u dalju proceduru, odnosno Vijeću ministara Bosne i Hercegovine na usvajanje.